

L'BRIBEUX

LE BILLET DU « BRIBEUX » DE PARIS

Y a des Martiens à l'Broque in l'Air

Gilbert ayant d' sous s' bras s' n'albute
Ervénot d'el répétition
Quand v'nant d'el direction des Buttes
Il aperçut à l'horizon
Eune boule toute rouge, un gros cigare
Avec des pétes de feu autour
Simblant s' peser sans crier gare
Lauvau un pau avant Blaufourt
L' musicien étant journalisse
El lind'main m'a téléphoné,
Mis au courant pou qu' j'écrivisse
L'aventure qu'il avot passé.
« Fernand !! qui m' dit no pouve Gilbert,
Y a des Martiens à l' Broque in l'Air.

.....
Mi j' n'in coyot nin d' mes oreilles
D'apprinte ainsi que m' blau pays
(C'est quéqu' chose eune affaire pareille)
Pa les Martiens s'tot invahi
On d'avot ieu assez des Boches
Qui no z'avinrent tout ramassés
Alors dins un av'nir tout proche
On d'allot co lête sinistrés,
Et pa les gins d'eune aute planète.
On n' pouvot répéter c' coup-là
C' qu'on no z'avot d'ja mis dins l' tiêto
N' vos in faltes nin l' Martien payera
Nos v'là au seull d'eune nouvelle guerre
Y a des Martiens à l' Broque in l'Air.
Gilbert m'a dit qu'eune héroïne

Avot s'té vire tout près d' l'engin
Si ces gins-là avinrent bonne mine
Ou bin des visages d'assassins
Mals s' n'impression a s'té charmanto
Y parait qu'elle n'a nin leu peu
Car les gins d'el soucoupe volante
Avinrent un nez, eune bouche, deux yeux
Y paraitrot même que l' luronne
A mis k.-o. un des Martiens
Elé qu'elle y a r'saqué s' marronne
Pou vire si s'tot comme les Terriens
La suite est restée dins l' mystère
Y a des Martiens à l' Broque in l'Air.

.....
J'ai alerté, comme bin on pense,
Les Ministères intéressés
Pou qu'on mette in état d' défensio
Les allntours de nos cités
A l' Guerre, à l'Air et à l' Justice
J'ai s'té leu raconter partout
L'histoire d' Gilbert, l' journalisse
Mais on m'a pris pou un vrai fou
Mendès-France m'a dit : « Mon pauvre homme
Pour parer à un autre retour
Des soucoupes volantes, en somme
J' vas préparer un grand discours
Je vais r'manier mon Ministère
Y a des Martiens à l' Broque in l'Air.

Fernand BELIANT.

EL SOUCOUBE D'EL ROUTE ED' VALENCIENNES

« El sien qui n'a co jamais eu,
Eune soucoupe à s' cul
Ene peut nin avoir eune idée
De c' que ça fait »
No confio l' grand Télémaque,
El pu futé des marchands d' vaques,
Allez Bichette, qu'on verse à boire
Et ascoutez bin m' drôle d'histoire,
No z'ervennent ed Valenciennes
Avec Bébert, l'homme d'em' mesquenne
On marcho à pu d' cent à l'heure,
Comme eune fleur,
Quand pa drie nous s' fait eune ciarté
Pire qu'el soleil, à l' Trinité
Pou l' moumint, ça m' fait sursauter
Et j' dis à m' visin d'ervétier
« Je n' vois rin... je n' vois rin du tout
Répond Bébert comme un brayou
Mals c' que j' sais c' que jé n' vo pu clair
Ca m' fait din l' vue comme des éclairs ;
Et pou l' comble el rétroviseur
Esto imbué pa l' vapeur.
Je m' diso... c'est eune grosse bagnole
Ej' m'in va obliquer su l' rigole
Et j' rabatto... risque d'imbardée
Si bin que j' roulo dins l'hurée
Mals personne éne mé dépasso
Y nvo bin d' quoi edvéni sot.

Ej' sinto des pleot'mints à m' cœur
On n'intindo nin d' brù d' moteur
...Bébert esto blanc comme un linge
Et s' démantibulo comme un singe
Si bin qu' j'avo peu qu'in touchant
El corniau m' fasse lachie m' volant,
Iassé l' carrefour du P'tit Wagnies
J' su obligé d' freumer mes iés
Et on intind un baccanal
Infernal
Ça fait que j' m'arrête in vitesse
In face ed chez Dreumaux Nénesse.
C'est là qu' j'ai vu l' soucoupe volante
Rattraper eune étoile filante
Et s'arrêter in plein su l' route
Aux allntours ed' chez Louloute
...C'est drôla qu'elle disparu
El machine qui couro à no cul.
C'est p'tête un instrumint vicieux
Utilisé pa des fraudeux,
On va s' rinséigner au Plat d' Bô.
C'est là qu'on aura l' dernie mot
El feume de là n'a peur ed' rin
El pourro muchie des Martiens.
Mals si j'in trouve un dins s' boutique
Elle sera seure de pierde em' platique.

A. HANNEQUART, El' Bribeux.